



齊氏醫案崇正辨訛

戎州逸士有堂齊東慧纂著 男

高東山較錄

受業

張宗煦溫如
古學恒常新
王臣傑國祥

較閱

女科要言

語云能治十男子。莫醫一婦人。蓋言審病認証之難也。何則。凡治病不外望聞問切四法。然婦女見人。顏色每多嬌羞。聲音每逾卑小。則聲不得其正。色不得其平。而脂粉叢中。又不得任我之回詳審視。則望聞之法廢矣。且病多不便之端。難為告語。欲詰其所以詢其所由。莫得一二。診其脈氣無定。紡緝織紵之餘。脉因而動。目瞑嗜卧之際。脉因而靜。而問切之法又廢矣。自非悉心觀變。闡明至理。烏能臨証。別有一種玄機。遍見五內。而方藥得當哉。然男婦之病。不外性情之邪正。由正而致病者。其病雖險。而奏效亦速。由邪而致病者。其病雖平。而見功尤難。慧入杏林。閱歷有年。常見德性溫良。舉止端莊之婦。孝敬公姑。相夫教子。勤務女工。厨竈井臼。雞犬桑麻之事。俱皆一一盡善。此女中君子也。必無災病。偶或起居失節。飲食失宜。感冒風寒。亦易為治。若逆妒險惡。失敬失養。奪夫之權。罔尊凌卑。醉飽自耽。全無婦德。又見一等等自不生育。不容納妾。致夫絕嗣。此罪重惡極。天教病入膏肓。即有盧扁再生。

亦難治療。余痛識此弊已久。今於婦科篇首。因立醫方。偕作勸戒。至於分經
辨正。按法治病。惟馳遠之書。於婦科門中。獨步千古。余不揣謏陋。略為增補。
附錄之。以為後學廣一津梁云爾。

女科秘要

調經

大凡經水不調。必皆因病而治。無病之婦。蓋未有不調者也。經曰。女子七歲而齒。二七而天癸至。月事以時下。交媾而成孕。七七而天癸絕。地道不通而無子。乃天然不易。安有所謂經水不調者哉。蓋為病所阻。營衛經輸不能自裕。運行升降。皆失其常。以至月事愆期。或前或後。不以時下。倘或不能分經辨証。按法治病。徒用調經諸方。非但經不調。病不除。而不死者幾希矣。務必求其所以治病之由。或為六淫外邪。或為七情所傷。或為飲食傷脾。或為痰飲阻隔。或本氣多火。或多血妄行。而經無常。或素稟虛寒。陽氣不運而血滯。或經水短濇。由於陰津枯涸。或崩中帶下。或因脾胃氣虛。凡此務宜審其病屬何經。察其本氣虛實。辨其寒熱陰陽。確有所據。而後按法以治其病。而營衛經輸各自流通。運行升降。悉如其常。則經自調矣。所謂治其病。正以調其經。上乘法也。

從來女科皆重在調經。謂經不調不能受孕。故專以調經為主。以愚觀之。殊屬不然。常見有子之婦。無論經水調與不調。皆能受孕。其無子者。並非五不女之類。雖月信如期。終身不產。此蓋天地化育之妙。有不可得而知也。其調經之說。竟可以不必。而治病之道。必不可不講。若病不除。匪但不孕。命且危矣。予故諄

諄曰治病是其要訣也推之安胎催生亦皆當以治病為要其秘屢試屢驗其理可信可憑女科諸書各形紕繆予非敢私執臆說創闢新奇竊恐膠柱鼓琴良多貽誤南華篇云曲士不可以語於道者束於教也同志君子尚其鑒之

六淫外邪乃風寒暑濕燥火也天有六氣分為四時序為五節過則為蓄淫生六疾何謂六氣陰陽風雨晦明是風淫末疾四肢緩急風証也陰淫寒疾寒過則為冷寒証也陽淫熱疾熱過則喘渴暑証也雨淫腹疾雨濕之氣為洩淫濕証也晦淫惑疾寢寢過節則心惑亂燥証生矣明淫心疾思慮煩多心勞生疾火証作矣春秋前賢和氏已詳言之其為病各不相同然要不外乎六經以六經之法按而治之更當察其本氣虛實寒熱陰陽則皆得之矣

七情為病不必穿鑿於所因統而言之皆為抑鬱憤懣之氣阻遏胸中以致飲食漸減則生化之源漸窒因而經水不調法主宣暢胸膈條達脾胃收攝腎氣方宜黃芪白朮茯苓遠志砂仁白蔻半夏桔梗兔絲故紙更當相其本氣而為加減

飲食傷脾宜用芪朮蔓苓砂仁神麴痰飲阻隔宜六君加炮姜草菓火邪迫血妄行宜用生地丹皮桃仁童便涼血活血更加蔓芪補氣以統攝之素稟虛寒者宜用參芪白朮薑附肉桂若脾氣虛弱不能統血而為血崩者宜用芪朮蔓

茸山藥芡實故紙

凡血妄行者。或上行而為吐衄。下行而為崩漏。均皆脾虛不能統攝所致。法宜大補中氣以固脾胃。此一定之理也。

慧常見婦女因月信來日。不善調養。其六淫外邪乘隙而入血室。經期一至血不下行。上逆吐衄。名曰逆經。余每用四物湯大劑。加大黃酒浸五錢。水煎入童便和勻溫服。血熱者用生地一兩。血寒者去生地。熟地倍加。血止然後發其虛實調理。

曾治一婦患奇証。每當經期。腹中痛連少腹。引入陰中。其經血不行於前陰。反從後陰而行。三日則腹痛諸証自已。次日當期亦復如是。延予診視曰。此太陰脾氣虛弱。不能統攝。少陰真陽素虛。陰寒內結。而為腹痛。侵入厥陰。則痛連少腹。引入陰中。其証總為三陰寒結。阻截前陰。經血不能歸於衝任。而直趨大腸。宜用芪朮芩大補中氣。附桂薑砂以驅少陰之寒。吳萸川椒以散厥陰寒結。更加山藥芡實澁大腸。香附萬年霜。老瓦屋前半面瓦縫內黑陽塵條取來炒用。引導前陰。一定之理也。其夫依法調理數月。則經自調。乃未幾而自受孕矣。

女科書。或有調經先去病之說。然不能分辨六經。按法治病。如所載赤白帶下。白淫白濁。癥瘕積聚。瘰癧。腸覃。石瘕。諸証。但執一方而無可憑之理。誠恐

貽誤世人。余故作是書而明其要訣。雖僭越無似。實出於不得已也。否則曷敢更置一喙哉。

經閉

經閉不通。各有所因。未有無因而經閉者也。從前女科諸書。不能分經用藥。所載方論。概不足錄。今酌定治病手眼。總在臨症之際。詳悉審問。得其所因。確有所據。按法為治。其應如响。

若其人陰虛火旺。精血短少。漸至乾枯而經不行者。宜用地黃阿膠滋陰養血。丹皮以瀉血熱。降真香以行血中之氣。香附片以通其經。而經自行。

若其人陰盛陽虛。冷積胞門。而血不歸經者。法宜附桂薑砂以逐冷積。芪朮淺苓大補陽氣。使陰退陽回。而經自行。

曾治龔雲從之婦。經信兩月未行。醫用膠艾四物湯。加紅花二十餘劑。則芒刺滿生。舌胎腹膨作泄。人事困倦。身重惡寒。屬少陰。胎刺于黑太陽。虛不能薰騰津液之所致也。方用芪朮薑附砂仁桂苓。故紙服六劑。而身發大熱。吾知其泄。旦夕必可止。再三劑其泄止矣。身熱漸微。而腹中又覺大熱。惟大恐附子太過。予曰。裏陽來復佳兆也。積陰可化。經當自通。又十餘劑。而人事康復。飲食加健。膨脹俱

消舌胎盡退。經信行通如故。

有為精積一症。乃因經信當行。血海未淨。而強與交媾。精與污濁互結。而積於胞胎之中。以致阻塞經閉不通。狀似有孕。而症不同。有孕之婦。飲食喜惡不常。旦腹中胎息汨汨微動。精積之症。悶亂不安。飲食不下。腹無胎息可驗。更當密問其夫。果有此事與否。以其法攻堅破結。方用糯米一兩。班猫十五个。同炒黃色。易班猫再炒。去班猫。用糯米花乳石一兩。石硫黃五錢。同煨烟淨。取出研末。山羊血甲珠製硫黃無名子肉桂黃芪白朮人參各五錢。巴霜紅花桃仁降真香各三錢。飛淨硃砂一兩。虛寒者加薑附五錢。火旺者去肉桂加大黃香附各五錢。已上共細末。吳神麴糊丸。每用開水送五錢。攻破堅結。即愈。若用藥不得其法。延至牢不可破。無能為也。

有為濕痰佔踞胞胎者。其腹漸大。白帶常來。飲食非如孕婦。喜怒不常。且又無胎息可驗。皆由脾胃素虛。而生化之源。為留飲窒塞。是以精血不行。兼之腎氣不足。不能化氣。故痰踞之法。宜六君子湯加砂仁草菓薑桂南星香附。其痰自隨白帶長驅而下。其腹漸消。經信通而受孕矣。

通經之道。仍在治病。調經門言之已盡悉矣。茲不復贅。

安胎

安胎之道法當求其動胎之故未有無故而胎自墮者其中或因脾虛氣弱而不能載或因縱慾傷腎而不能安或因攀高或因跌撲凡此均宜大補元氣調理脾胃用芪朮淺苓覆盆故紙若火旺加阿地歸苓虛寒者加附子薑桂若胃有寒痰加炮姜半夏若嘔逆加砂蔻吳萸丁香若兼三陽外感頭痛壯熱表邪大盛正氣受傷而胎痛不安者則當分經解表以去其邪而胎自安若為三陰中寒陰邪內攻下利厥逆腹中急痛其胎必動宜急回其陽以驅其陰而胎自安陽明內結火邪入胃燥渴陰津胞胎立壞外見惡熱不眠舌胎乾燥噴熱如火大便閉結法宜亟驅其陽以救其陰能治之於早善自見機調養不失其宜胎亦可保

曾醫房孀懷孕三月而患熱病求予藥吾見其口燥心煩渴欲飲冷者陽明裏熱也法宜白虎湯以撤其熱汗出惡熱大便閉結者胃實也法宜調胃承氣湯以蕩其實口苦咽乾者少陽腑証也法宜黃芩以瀉腑熱舌胎乾黑芒刺滿口者內火燥乾精液陰欲竭之徵也腹微痛而胎欲動者熱邪逼及胞胎也若不急行驅陽救陰之法胞胎立壞不可為矣即用白虎湯合調胃承氣湯加黃芩一劑而熱勢略殺再投一劑泄下二次結去津回諸症皆愈其胎立安此但治其病不必安胎而胎自無不安也

曾見懷孕五月者。卒病中寒。頭重如壓。腰痛如折。厥逆惡寒。腹痛急而胎欲墜。法當急驅其陰以救其陽。而胎自安。庸工不知分經辨証。但用膠艾四物湯數劑。其胎竟墜。且殞其生。

又見懷孕七月者。漏下清水。時值秋分之際。燥令大作。乃為肺經受燥。醫者不識。謬執成法。以為脾虛。而用芪朮砂半之藥。不效。又謂藥不勝病。再加大劑。十多服。水更加甚。而胎落矣。其後仍復下水。醫謂小產。則元氣暴虛。更重用大補數劑。而証變喘促。直視。口不能言。延予診之。右寸洪勁無倫。面色焦稿。肌膚燥燥。鼻屬煽動。吾知其不可為矣。乃斥醫者曰。子謂脾虛。何所徵驗。蓋脾虛者。當必自利不渴。今大便結鞭。口乾心煩。乃為秋燥傷肺。其氣下迫。胃中津水長驅而下。而反用芪朮砂半健脾。愈助其燥。而肺愈傷。又見脉勁無倫。鼻屬煽動。乃肺氣立絕之候。尚何可言哉。醫者不能置喙。少頃氣湧而死矣。冤哉。惜予遇之不早也。

明年九月。又有懷孕七月。受秋燥。而漏下清水者。其症與前死者無異。其家懼而求吾藥。診視之。依然右寸脉洪勁。皮色乾枯。心煩不眠。吾用天冬麥冬玉竹。婁仁阿膠雞子白。以清肺燥。桔梗開提甘草和中。一劑而效。五劑全愈。可見安胎。必當治病。病不能除。燥不去矣。可不慎歟。

孕婦小便癰閉不通女科書名轉胞謂氣虛則胎下。

膀胱為轉胞因而胞

系了戾

戾了戾者
絞細也

小便不通者宜主大補中氣何其糊說也胞為胎胞膀胱為尿

胞血非尿胞小便不通關係出竅於系何干何必曰胞系了戾且小便不通名

曰癰閉不宜驟補法當宣

胸膈而醒脾胃使上焦得通中樞得運而後氣化

大行方宜白朮砂仁半夏肉桂加桔梗開提生姜升

俾轉運之機乃得先升

而後降妄投朮朮淺苓壅塞不行有何益哉

胎前諸症惟惡阻一証為中脘停痰可為定例其

子淋子腫子懸子癰子

瘡等症皆有寒熱虛實不同務必察其根由確有所據而後按法用藥方為妙

女科諸方中肯綮者鮮矣吾誰適從耶

附胎前預服良方

炙黃芪製白朮各三錢炙草八分覆盆兔絲子俱酒炒白茯苓破故紙各二錢

西砂仁廣陳皮各一錢煨姜一片水煎服若體虛者加歸地火旺者去砂仁加

黃苓此方並宜多服自受孕以後即服是藥不可停歇俾元氣足則胎自固而

無墮胎之患內氣充則產自易而無難產之厄且臨產不受虧產後必無病胎

元足兒體堅此為培母之後天即所以毓兒之先天上乘法也

凡孕婦有病必當及時治之務令其病盡愈元氣康復飲食加健方無後患

切不可遺其病於產後治之更難甚且不救慎之慎之

催生

孕婦難產亦各有所由來懷胎十月神完氣足必自分娩產母無病其產自順今既發動兒已出胞頭已向下滑為三五日不產其中必有所因或為氣虛不能運送宜用芪朮淺苓補氣之劑或為血虛甚而不流利宜用髮灰阿膠龜板或為疾病侵害以致難產當按六經之法分經用治使病去而產自順醫不知此任用催生諸方無端妄投徒斃其生而已矣

曾見產婦臨盆數日不產者其症嘔吐不止腹中大痛少氣懶言身重無力此少陰症也催生諸方不可用吾用芪朮附桂砂半炮薑吳萸一劑而嘔止但仍腹痛未減依然少氣無力於是倍用芪朮再投一劑則腹痛止而氣力漸加其產如達母子俱無恙

又醫一症發動六日兒已出胞頭已向下滑而竟不產醫用催生諸方又用催生靈符又求靈神爐丹均皆無效延余診視其身壯熱無汗頭項腰背強痛此太陽寒傷營也法主麻黃湯作一大劑投之令溫服少頃得汗熱退身安乃索食食訖豁然而生此皆治其病而產自順者也

產後論

女科諸書醫產後諸症當以大補氣血為主。此言雖得其大概。然有當補不當補者。而當補之中。又有分別。血虛補血。必當兼補其氣。氣虛者。必不可兼補其血。其氣血兩虛者。法當重在補氣。蓋陽生則陰長也。嘗觀女科諸方。往往偏勝補血。而又且兼重破血。然產後內臟空虛。必不可破。縱有淤血。亦不必破。務在求其所以然者。是必因病而致。治法總當辨其寒熱陰陽虛實。對症用藥。使病去盡。而淤自行。不知治病。僅知破血。必殺之矣。

產後昏暈不醒

者。俗名血暈。主用破血。千古貽害。此為氣虛陽

用。淺氏以固其脫。若兼

冷。更加薑附。方能奏功。又如血脫一症。乃為暴虛。不

能統攝。法當大補其氣。以固其脫。此二証皆為氣虛。並非血病。不可破血。愈傷其元。並不可兼補其血。以致陰愈長。而陽愈消。速亡之道也。惟人淺一物。最妙。俗醫云。此物提氣。又恐吊血。死不敢用。不知何所本也。蓋血脫者。為氣虛不固。惟淺能固。淤血不行者。多為氣虛。不能運行。惟淺能行。此最妙者。能於臨產時。用淺一錢。以助內氣。則易產。且無虛暈虛脫之患。邇來淺貴。可用鹿鞭切片。二錢。水煨爛。入鹽少許。連渣服。鹿鞭大補腎陽。其功較勝於淺。至有產後心腹痛者。多為中寒。女科書皆曰。血氣亦主破血。不知法宜。淺氏才薑桂人淺砂。若兼表症。仍當分經解表。合而治之。斯為至善也。所貴治病。病去而淤自行。

曾醫一症。產後而淤未行。小便滴瀝。臃脹異常。醫用破血之劑。三服更加胸腹脹滿。人事昏迷。喘促不能臥。余曰。此非污穢。仲景有云。小便不利者。為無血也。此病在氣分。不當用血分之藥。蓋為膀胱蓄尿過滿。脹翻出竅。致尿不得出。吾用白菟宣暢胸臆。砂仁半夏醒脾開胃。肉桂化氣。桔梗開提。生姜升散。令服是藥。併教以手從上拂而膀胱之氣。乃能轉運。斯竅自順而尿出。果如吾言。其竅通利。自然寬了一節。旋即又行。更覺甦暢。乃索食。食訖則安睡。睡起再行。腹消如故。於是改用扶脾健胃之劑。數服而全愈。此所以小便不利而驗其無血也。又醫產後一症。身重惡寒。飲食不下。大便泄。小便不利。腹中痞塊作痛。庸工謬謂血氣用元胡四物湯。加蒲黃服之。無效。轉加膨脹矣。於是再加厚朴木香。則脹滿加劇。湊上胸臆。喘促不能臥。予曰。其身重惡寒者。少陰症也。腹中痞塊作痛。陰寒凝結也。食不下者。陰邪逼塞胃口也。且陰邪下奔而作泄。膀胱無陽。其氣不化而小便不利。凡此皆為病在氣分。彼妄投血藥。陰愈長而陽愈消。又誤破其氣。則氣虧而邪愈湊。其症危矣。吾用砂菟薑半宣暢胸臆。溫醒脾胃。附子禦陰。肉桂化氣。使上焦得通。中樞得運。而後氣化行。桔梗開提。生薑升散。俾轉運之機。乃得先升而後降。一劑而小便通。胸臆略寬。再加菰朮三劑而腹痛止。脹漸消。飲食加健。身復發熱。其家曰。表見發熱何故也。予曰。真陽來復。休徵也。

經曰傷寒先厥後發熱下利必自止再重加黃芪白朮而泄止其脹更消忽加口渴腹中作餓食未久又索食其家恐服附桂助起胃火故能消食商議改用清涼余曰不可也經曰脈滑而數手足自溫渴欲飲水饑欲得食此陽進欲愈之証也再加益智固紙收固腎氣又二劑而身輕腹脹俱消再加覆盆兔絲鹿鞭兼補腎陽數劑而全愈矣痞塊消弭終無血行下者調理兩月經信行通如故

曾見一婦腹中有塊作痛醫者因以行淤未見血下轉增膨脹更加枳榔厚朴木香沉香數劑而脹滿加甚庸工謬謂成血蠱矣竭力破之其脹彌堅飲食不下連更數手皆為破血消脹氣湧息高而死矣此病在氣分誤用血分藥之覆轍也前條雖誤隨即改用陽藥着着合法病故愈此則專從破血恬不自悟其遄死也宜哉

產後胞衣不下多由氣虛不能送運方中必兼大補其氣否則非法也

下胞衣方

人蔘黃芪白朮肉桂山羊肉血無名子沒藥苡仁硃砂查肉紫降香製硫黃

已上各等分為末飯碾成丸梧子大開水吞服五錢

又方

用芡實葉大如盤者取完全無破損晒於備用。凡用一葉。扯作三塊。水煎濃汁。酒和服。薑湯亦可。其胞衣即裂為三塊而出。扯作二塊。其胞衣即裂二塊而出。此方得之萬天純。屢試屢驗。又聞臨川世醫黃在田下胞衣用紅菱葉用法與前方同功。效亦同。屢經屢驗。

凡用此方。必察其果為胞衣未下者。方可徑用。若遇駢胎。產下一箇。腹內稍停。因母氣虛不能送。必俟母氣來復。此等方藥。切須仔細。不可妄投。恐傷人命。

黎明入署。有洪元正簿。莫問曰。吾姊於午間產一女。胞衣未下。特來求方。予問此刻人事何如。曰。其腹仍大。不作脹痛。飲食有味。嗜卧懶言。別無所苦。予曰。此駢胎也。還有一箇在內。故腹大而無所苦。若為胞衣灌血。勢必濁氣上干。而為脹痛悶亂。莫可名狀。欲其飲食有味而安靜。何可得也。此為氣虛不能運送。觀嗜卧懶言。駢胎顯然矣。吾用黃芪白朮。以仁各三錢。肉桂半。夏益智各二錢。生薑一片。令即煎服。明早再看。次日元正來云。吾姊服藥後。即熟睡至半夜。又產一女。胞衣隨落。無恙。可見用藥。必當詳察。不可忽略。此明驗也。

乳病

乳汁不行。各有所因。或血弱氣虛。不能生化。宜用蔓荑歸桂。乳香脾胃虛寒。宜

服芪朮淺桂砂附姜半。或內臟多火津枯血燥。而生化無源。宜用歸地阿膠橘核苡仁栝蒌仁之類。或因外邪阻滯。法當分經用藥。以去外邪。則乳自通。如女科書所載通草漏蘆豬蹄湧泉諸方。皆非正理。不可用也。

如乳吹乳二症。女科謂因乳口氣內外吹乳。則汁不行。乳而成腫硬。此說荒唐。實為解懷乳子。外邪乘隙侵入乳房。壅塞乳道。腫硬而痛。閉久則潰。斯為乳癰。若初起未潰。宜用白芷半夏桔梗甘草白蘘乳香生薑煎服。外用生南星姜黃白芷研末。沙糖調敷。內外兼治而散。若兼三陰加附朮姜桂。若兼口渴惡熱形色焮赤。項凸。宜加芩地栝貝。若兼三陽表症。法當分經解表。更當相其本氣。察其虛實。依法用藥。自能中肯矣。

愚意窮鄉僻壤醫藥不便者。用蒲公英。路傍地角肥土多生。數葉一莖而花。一名黃花地丁草。俗名山萬荳菜。此乃毒瘡要藥。岐天師統治諸瘡。余多用之。搗爛入甜酒一碗。溫服。取渣包乳患處。效如桴鼓。

以上皆驅逐消散之法。不令外潰。無害乳房為妙。若已潰成膿。又當重芪朮淺苓歸桂乳香。極為排托。則乳房無損。日後有乳。若已成潰。臨外用紫草一兩。真麻油四兩。浸三日。去渣。將白蜡一兩打碎。于油內漫火熬烺。另用白芷一錢。松香降香各三錢。枯礬輕粉各二錢。共研極細末。投油內攪勻。候冷以